

DISPUTATIO PRIMA
DE
OSSIBUS
EX
PRÆLECTIONIBVS PVBLICIS
D. ANDREÆ JULII
Bötticher
MEDICINÆ DOCT. EJUSDEMQUE PROF. P. O.
CONSCRIPTA.

ET

SUB EJUSDEM PRÆSIDIO
AD VENTILANDUM PUBLICE PROPOSITA.

A

PETRO LAURENTIO SCHNELL
GISSENSI HASSO.

Die Novembr. in Auditorio Medicorum.

G I S S Ä,
Typis HENNINGI MÜLLERI.
Anno M. DCX CIX.

SERENISSIMO ET CELSISSIMO

PRINCIPI

AC

DOMINO

DN. ERNESTO
LUDOVICO

HASSIÆ LANDGRAVIO

PRINCIPI HERSFELDÆ, COMITI IN CATTI-
MELIBOCO, DECIA, ZIGENHEINA, NIDDA,
SCHAUMBURGO, ISENBURGO ET BU-
DINGA &c. &c.

PRINCIPI AC DOMINO
SUO CLEMENTISSIMO

Has studiorum suorum primitias
Submissè offert.

Petrus Laurentius Schnell

Gieffensis.

Serenissime ac Celsissime

PRINCEPS


Domine Clementissime.

 N excelsō aliquo fastigio positi ver-
tigine corripi solent, si subjecta lon-
gè telluris loca despectaverint. Si-
militer metuerem ego, Serenissime
PRINCEPS, ne animo TUO mo-
lestia obveniret, si ad levidense hoc studiorum

A 2

meo-

meorum specimen fortè descenderet; nisi scirem Serenitati TUÆ volupe esse, animum in Patriis curis ferè indefessum quandoque, ad Sui ipsius contemplationem transferre Debebatur enim TIBI hujus qualiscunque Disputationis dedicatio, tum aliis nominibus pluribus, tum etiam, ut, si ingenium in opere deesset, saltem in dedicatione judicium Lectori placeret. Hac enim in re præstare volui, quod in Arte nostra fieri consuetum, ubi scilicet oculis & linguae ingrata ne displiceant, auro obtegimus. Pari ego ratione huic Dissertationi TUI Celsissimi Nominis splendoreni præfixi, ut gratiam, quam à semetipsa demereri non poterat, a Serenissimæ Domûs Hassiacæ Dignitate mutuaretur. Quam ut Deus contra hostes Fortem, Amicis Amicam, in subditos Benignam, mihi Clementem conservet supplex precor.



§. I.



Ostquam hominis ex Ovo generationem constans observationum fides indubiam reddat, & ipsa in Mulierum Testiculis conspicua Ovula Veterum illam, de generatione, & utriusque sexus seminis commixtione sententiam amplius refellant, atque evertant. A Methodo non alienum, sed ordinis ac rectae rationi in primis conforme erit, si *Ossium Historiam*, propositurus ab Ovo rem exordiar, & à prima partium origine initium faciam, ut, præmisso generationis modo, & quo Natura in ossificationis opere procedat, accretionis ordine, plus lucis in ipso Nutritionis negotio, postmodum eruendo, affulgeat.

II.

Quemadmodum itaque *Oculatissimus Malpighius*, & cum Eo plures alii in plantarum seminibus integrum earundem formam & figuram adumbratam deprehenderunt; Sic in exilibus hisce Mulierum Ovulis totius Hominis rudimenta latitate, singulare totum constituentes partes (inter quas Ossa quoque numerantur) per admirabilem Summi Numinis stegnographiam delineatas esse, ut nihil nisi mirabilis illius structuræ expansio in utero postea accedere debeat, vero videtur simile; cum non appareat, quomodo per membranaceam illam, triplex fœtus involucrum adumbrantem Ovuli testam, contentæ huic massæ aliud quidquam à semine virili, præter subtiliorem illius auram, accedere & admisceri possit. Vivifcus autem ille Semini virili insitus spiritus indicibili hæc tenus modo per omnes generationi destinatas partes se insinuans in ipso ovario suetas illas turbas excitat, & ovulum reddit fœcundum, quod per Tubam postea Fallopianam ad fertilissimum Naturæ arvum, Uterum, defertur, ubi statim increscere & augeri incipit. Dum partes quæ hæc tenus sopitæ in illo latitarunt, ab admissa hac vivifica aurâ exfuscatæ protinus moveri, & ab affluente nutritio Matris succo expandi similiter incipiunt. Et sic augmentatae partes brevi redduntur.

tur conspicuæ, ut, quod antea ob delicatam illarum texturam non
licebat, singulas etiam ab invicem discernere queamus.

III.

Nec diu otiosa à formationis opere absistit Natura, sed cele-
ri passu in singularum partium efformatione progreditur: Vix e-
nim Mensis elabitur, inquit *Kerckringius*, quin totius corporis par-
tes & omnia membra distincta appareant, ita ut artificiosa manus à
reliqua carnis mole separata possit distingui. Habet tamen quæ li-
bet pars suam quasi infantiam, augmentum & certum maturitatis
tempus, antequam ad suam perfectionem perveniat, quam aliæ ci-
tius, aliæ tardius adipiscuntur, prout illarum usus in infantili œco-
nomia magis minusve erat necessarius. Sic omnium primò in fœ-
cundo incubatu reddito gallinæ ovo *Punctum* observamus *Sali-*
ens sive cordis sive Auriculae ipsius primum rudimentum, quod sum-
ma vitalis illius crux ad reliquas partes distendendas & expan-
dendas propulsus sit necessitas, à cuius debito impulsu & motu tota
fere adultorum vita dependet atque sanitas.

IV.

Ultimò autem omnium in ossibus suum opus absolvit Natura,
nec primis saltem duobus mensibus, uti *C. Kerckring*: testatur, aliquid
occurrit, quod ad ossificationem pertineat: Sed, fœtu jam enixo, reli-
quis membris omnibus perfectis, sola ossa suâ adhuc destituuntur
perfectitudine, exceptis forsitan quatuor minutissimis illis auditū or-
gani ossiculis, quæ vix in infantili ætate ab adultorum ossibus, ne
quidem quoad magnitudinem, differre videntur; cùm è contrario vix
prima secundi ordinis dentium rudimenta in fœtu mox excluso con-
spiciantur. Adquaque sollicita est Natura in singularum forma-
tionē partium, ne illas, quas impedimento potius & oneri futuras pro-
spexerat, primò omnium producat, atque perficiat, neglectis inter-
terim illis quibus carere infans minus poterat. Nec enim his infans
indigebat armis, quibus in proprium corpus sœviret, & Matris in-
commoda aggravaret, nec inutilibus hisce in molli Matris gremio
requiescens egebat fulcris, tot in partu postea existentibus remoris.

V.

Ossium itaque loco primò tenuis quædam in formationis
principio producitur membranula, quæ postea ab affluente Offi-

co quodam succo magis magisque extenditur, & ab illo ibidem subsistente, & concrescere incipiente, in cartilagineam primò convertitur substantiam, osseam brevi contractura duritatem. Atque hac via providam Naturam in ossificationis opere procedere non in una corporis parte observare licet. De Syncipitis ossibus jam olim suo tempore Laurentius annotavit, quod in puerulis anterior illorum pars primum membranacea sit, dein cartilaginea, denique in adultis ossea evadat. Nec exsiccata saltem Bregmatis ossa simplicem referunt membranulam, sed clarissimè hoc quoque patet in illa illorum parte ubi cum Frontis osse utrumque Bregmatis os concurrens Sagittalis Suturæ initium constituit, qua parte hiatus ille est, quem Matres Fontanellam vocant, & in infantibus imò & adultis quibusdam apertus observatur, deficiente utrobiusque ossium Bregmatis parte ossea. Confirmat hoc ipsum media Epiphyses & Ossa intercedens cartilago, quæ accendentibus annis sensim sensimque ossescit, Epiphyse in Apophysin conversâ, & duobus ossibus in unum postea & continuum abeuntibus.

VI.

In promptu quoque ratio est, quare pleræque adultorum Apophyses in infantibus sint Epiphyses? Incipit quippe ossificatio non in extremitatibus ossium, sed plerumque in centrali ossium parte, magisque à motu libera, primò omnium aliquid osseum sese ostendit, unde velut à centro plurimæ postmodum striæ & ossea filamenta versus utramque extremitatem excurrunt, interventu demum ossifici succi in solidam & saxeam coalitura substantiam. Atque ut Cl. Pehlini simili utar, in multis tamen dissimili; Velut in aqua gelu concrescere incipiente plurimæ glacie ramenta primum per eius superficiem dispersa observamus, quæ intervenientibus aliis striis & aquâ à frigoris inclemencia magis magisque condensata in unum tandem corpus abeunt, glacie totam aquæ superficiem occupante Fortassis hinc ratio quoque reddi posset, quod in media parte utut infantum ossa suam soliditatem receperint, extremitates tamen eorum & capita semper porosiora observentur, & proinde minus quoque mirum, si appendices illæ nondum cum osse coaluerint, & illi continuæ sint redditæ.

VII. Quam-

VII.

Quamvis autem hunc Ossificationis modum in majoribus in primis artuum ossibus observemus, constans tamen idem adeò non est, quin non aliquando ab hoc tramite Formatrix deflestat Natura, in pluribus simul unius ossis locis ossificationis opus incipiens, prout vel partium præstantiam & necessarium tutamen celerioris ossium perfectionis indigere & infantili Oeconomia magis consultum fore prudenter prospicit & animadvertisit. Sic ut taceam reliqua, in ossibus Frontis, quò tutum & commodum oculi haberent locum, tam in ipsa oculorum orbita, quam supra eandem hoc suum opus orditur, ubi prima ossium apparent rudimenta ad totius circumferentiam postmodum excurrentia. Cerebellum item & ex cerebro egrediens Spinalis Medulla, quò minus externis injuriis patuerent, neve in celeri capitis rotatione aliquod damnum molle nervorum principium perciperet, nulla postmodum Arte resarcendum, ex pluribus veluti ossibus constare debebat hoc Occipitale infantum os, ut pluribus in locis simul incipiente ossificatione celerior totius sequeretur perfectio.

VIII.

His ita præmissis & supposito Ossium principium membranaceum esse, ex plurimis fibris constans, quarum interstitia humor quidam ossificus occupare valeat; ipsum Accretionis opus in harum fibrarum expansione & ab invicem distensione consistere arbitror: Dum particulæ ossifici hujus succi à novis subinde affluentibus sensim sensimque ad extrema usque harum fibrarum propulsæ, easdem continuo suo versus illarum extremitates impulsu magis magisque extendunt. Cùm autem fibrarum harum expansio non tam promptè & subito semper fieri possit, quin ossæ hæ particulæ nonnunquam in via motus subsistere cogantur, accidit, ut aliæ earundem ad latera fibrarum recedere debeant. Quemadmodum enim ex Physicis notum est, quod, quando corpus quoddam in recta sui motus linea resistentiam quandam invenit, idem subsequentium pressioni cedens, à recta motus viâ ad latera deflectere, & obliquè magis suum cursum continuare soleat: Ita particulæ hæ ossæ in motus linea subsistentes à proximis, & hæ rursus à succendentibus impulsæ ad latera fibrarum recedentes distantiam inter easdem adau-

gent

gent easdem, in obliquum situm simul protrudentes? Hinc patere putem, quare juniora animalia earumque partes primis annis in longitudine magis accrescant quam in latitudine seu crassitie.

IX.

Faciunt huc quæ Doctiss: Gagliardi in *Anatom: Oss:* habet: *Construuntur*, inquit, *ossum lamina ex duplice materia*, videlicet ex nervosis filamentis, nec non ex *concrescibili quedam succo gypseam* habente naturam, cuius beneficio dicta haec filamenta connectantur. Et sanè non dissimili ratione dictæ bracteæ constructæ videntur, ac tenues illi parietes, qui ex arundinibus & gypso industriâ humanâ fabrefiunt. Nec multum his absimilia profert Ingeniosiss: Malpighius in *Plantar. Anatom: Fœtus*, inquiens, *Ossa*, *Cranium præcipue filamentorum progressum exhibent*; haec non omnino sibi parallela sunt, & hinc inde breves appendiculas filamentosas promunt quibus invicem alligata rete efformant, parum à libri Natura distans, cuius potiores areæ & tota fibrarum compages exsudante osseo succo repletur, & tune et, successivis incrementis nova fibrarum plana superinducuntur, quæ præexistenti lamella osseo agglutinata succo debitam molem & firmitatem excitant: Patent autem singula plana resolutione facta per longam ossum macerationem, integræ namque ossum bracteæ evelluntur, in abortibus verò in *Cranio inchoatum* rete evidenter conspicitur. Atque hæc ille, velut aliud agens, per transennam vidit, & consignavit. Difficillimum interim erit determinatu, quam ossis partem prima hæc membrana constituat, internam efformare probabile non est, cùm ossa in magnam satis molem ex crescant, antequam ullum internæ illorum substantiæ appareat vestigium, magis probabile videtur, externæ ossium substantiæ typum gerere; ni forsitan utriusque rudimenta in illâ existere & adumbrari afferere velis.

X.

Antequam jam ad ipsam perfectorum ossum substantiam describendam progrederar, quædam circa propositum hoc accretionis ossum opus enucleanda prius restant, ipsiusque humoris Ossifici Naturam indagare operæ erit pretium. Multum autem hic lucis Chimica ossum Analysis nobis affundere potest, quâ edocemur, præter Phlegma Oleum & Spiritum, multum quoque Salis plurimumque

Terræ ossa continere: Jam verò vix veritati videtur consonum, illud quod sub forma humidi modo facta destillatione ex ossibus prodiit, ad solidam illorum substantiam pertinuisse, sed Phlegmate pro particularum salino terrearum vehiculo existente, Oleo verò ad medullam spectante, ex multo sale & pluriā terrā firma illa & solida ossium substantia constare videtur. Atque hac in opinione magis me confirmat particularum harum ad firmum ejusmodi corpus constituendum aptitudo, & quod ossa exsiccata nullam quoad magnitudinem & crassitatem patientur immutationem, in ponderis autem quantitate mirum quantum iisdem decedat, humidis nimis illis particulis oleosis atque aqueis ossa aliās à nimia siccitate præservantibus, exsiccatis, solis illis terreis ipsam osseam substantiam constituentibus intactis remanentibus.

XI°

Quæ ergo in osso hoc succo, ut *Malpighius* loquitur, abundant particulæ, cuiusve constitutionis ille sit, ex dictis obscurum amplius non erit, nec minus è quo fonte idem promanet, dijudicare multum illi facesset negotii, qui ipsam sanguinis massam ex plurimis diversisque particulis componi perspectum habet. Hoc autem ita esse & sanguinem Heterogeneum & dissimilarem existere pluribus comprobavit Cl. *Harvæus* & *Diemerbr.* qui Libro secundo Cap. XII. Anat. C. H. accuratè satis Massæ sanguineæ mixtionem his verbis describit: *Ex duobus succis massa sanguinea conflata est, quorum unus sulphureus, alter falsus est, quos intercedit Mercurius aliquis, serum scilicet (ut ipse in sequentibus explicat) utriusque Naturam familiaris, ut in eo & cum eo utergue exactè misceri possit.* In primis autem salem in illa abundare varia in visceribus à sanguine secreta docent; Nec Taitaro destitui lapidum in variis visceribus concretiones testantur. Et quid obstat, quo minus hunc nostrum ossificum succum hujus Tartareæ sanguinis massæ partis sobolem quoque esse dicamus? Quanquam ipsum secretionis modum quo Tartareus hic succus in ossibus à reliqua massa separetur, explicare & eruere velle, opus sit difficultatis plenum.

XII.

Nutritum itaque ossium succum cum sanguine per arterias
ad

ad ossa deferri nullum est dubium: Vix enim *Platero*, assentiri possumus, statuenti, nullas ossa ingredi arterias, cum contrarium omnino Cl. *Spigelii* evincat observatio, qui *Patavii* in ossis Tibiae magna carie substantiam ossis ab arteriolâ partusam se vidisse testatur, & idem quoque tot in extremitatibus circa Apophyses & Epiphyses ossium conspicua foramina, totidem arteriarum venarumque canales, confirmant. Alii iterum, cum plurimas difficultates in abstruso hoc accretionis opere explicando deprehenderent, arterias quidem infantum ossa ingredi admiserunt, in adultorum tamen ossibus, ubi illa accretionis terminum attigerint, arteriosos illos ductus statim rursus obliterari crediderunt, quo ipso *Plateri* errorem effugisse arbitrati in novum tamen rursus se precipitari eumque gravissimum non animadverterunt. Etenim & Hos necessaria ossium nutritio, medullosi olei à sanguine separatio, & meditullii rubicundior color abunde redarguit. Accuratam autem harum arteriarum delineationem dare præsens hoc iustitutum non fert, sed aliis commodam magis occasionem habentibus, hoc negotium relinquo.

XIII.

Magis autem ipsum secretionis opus, quo Tartareus hic succus à reliquâ sanguinis massâ in ossibus separetur sollicitos tenuit Anatomicos, & Praeclarissimorum Virorum ingenia exercuit hactenus. Quamvis enim quamlibet partem tales à Summo Creatore Diathesin accepisse putem, ut commodum ex sanguine alimentum elicere, & in suam naturam substantiamque convertere sibique assimilare possit, vix tamen abstrusum hoc secretionis opus absque glandulis perspicue se explicari patitur. Quemadmodum in aliis visceribus secretiones ope glandularum fieri observamus, sic non absimili ratione in ossibus idem contingere, vero videtur simillimum, nec dubitem, quin & nutritias has glandulas detectura sit posteritas, cum glandulosam plurimorum viscerum substantiam deprehenderint Neoterici, quorum genuinam structuram tota ignorabat Antiquitas, in occultis qualitatibus, veris ignorantiae asylis, unicè acquiescens. Elegantissimum interim de harum glandularum situ *Ingeniosi cuiusdam Angli* commentum existit. afferentis, has nutritias glandulas, ad latera arteriarum inter lamellarum ossearum interstitia sitas, suum penu ex arterioso liquore recipere; sanguinem sci-

Ecet in recta motus linea semper progredi supponentis, Canali verò Arterioso in progressu magis magisque contracto, illum necessariò lateralem canalis partem ferire, & in ipsas illas glandulas impelli debere. Et quidni hīc eas concedimus? inquit *Accuratissimus quidam hujus seculi Anatomicus in sua de Dent. Disp.* cū ex ossium natura dentes materiam ex qua formetur glandularum ope recipiant.

XIV.

Infirmo quippe tālo innixa videtur illorum sententia, qui solos Spiritus animales ad hoc secretionis opus in ossibus peragendum sufficientes esse putant. Supponentes, spiritus hos animales acidos esse; Jam verò acidum coagulum sulphurearum atque salfarum particularum separationem facere posse, per experimenta Chymica comprobantes, rem ipsam claram esse, nec ulteriore probatōne indigere vanissimè arbitrantur. Quanquam autem hos animales, uti vocantur, spiritus neque in totum ab hoc secretionis opere excludendos putem, tantam tamen illis prærogativam adscribere vix ausim: Præterquam enim, ut taceam reliqua, quod iudicem hi spiritus, antequam in cerebro excitati, & in nervos delati, in vitalis Cruoris massa quieti absque ullo concitato tumultu lataverunt Hanc quoque illorum aciditatem seu insignem acredinem tenera & delicata nervorum constitutio nec ferre nec admittere videtur, reclamante acutissimò eorundem sensu; imò locus quoque commodus hīc deerit in compactissimā hac ossium substantiā, in quo acidi illi spiritus cum liquore Arterioso commixti effervescent, & pugnam hanc inire possint, cum osseæ hæ lamellæ tam arctè sibi invicem superimpositæ sint, ut vix arteriosis ductibus viam. & locum concedere queant commodum.

XV.

Ad ossificationis opus denique absolvendum suum quoq; symbolum *Calor* confert, qui serosas humiditates exsiccando ipsarum tartarearum particularum firmiorem concretionem plurimum adjuvat, & efficit, quò magis siccum rigidum atque durum ossium evadat corpus. *Ossa enim inquit Hippocrat. Libr. de Natur. Pueri à calore densante indurescant atque reficcantur.* Proinde videamus accedentibus annis & crescente caloris in corpore gradu, ossium duritiem & rigiditatem simili increscere, quam ipsa.

ipsa quoque circumstans calida aëris intemperies, & calidior sicciorque victus in Regionibus calidis augere posse observationum fides persuadere videtur: Hæc quoque causa est, quare in infantibus accretionis opus citius & celerius procedat, quam in adultis, utpote quorum calida & secca intemperies partes omnes iam ita constringere & indurare incipit, ut difficulter magis accretionis materiam admittant, siue expansionem patiantur, quam mollii laxaque partium infantium constitutio. Perfectorum autem ossium rigiditas non tam à sola hac & fortis fibrarum expansione, quam particularum rigidarum, ut Cl. *Haverus* loquitur, arctâ & accuratâ conjunctione inducitur, quæ quô magis ab invicem distant, eò magis flexible, contrâ quo magis suis extremitatibus sibi contiguæ existunt, eò firmius rigidiusque ossium existit corpus.

XVI.

Præmisso sic accretionis opere & modo, quo succendentibus annis ossa demum suum maturitatis terminum attingere videntur, paucis, quantum tenues ferebant vires, proposito, ad perfectorum denique ossium historiam proponendam progredior. *Sunt autem ossa* partes corporis similares omnium durissimæ sensu destituta, ad corporis totius stabilitatem & fulcrum conditæ. Eleganter itaque nec minus verè scribit *Divus Cœs lib. d. Natur. Oss.* Τῶι σώματι σάσιν οὐδὲν οὐδὲν τοις παρέχονται h. e. corpori stabilitatem & rectitudinem & formam exhibent. Atque idem Græcum vocabulum ὄστα quod ἀπὸ Τεισαύας quod stare est, Nonnulli derivant, denotat. Verum enim verò tanta est ossium in corpore utilitas tantaque necessitas, ut nullum animalium genus, ne insecta quidem commode illis carere posse videantur, quin aliquid durioris substantiæ & ossibus saltem analogi recipient, & Summum Naturæ decus, Homo, erucarum instar humi repereret, ni ossibus suffulciretur ac erigeretur.

XVII.

Duplex autem vulgo ab Auctoriis ossium substantia constituitur, Aliam internam, Aliam externam faciunt, quarum utut idem sit principium & ex eadem materiâ utraque efformata, notabilis tamen inter illas quoad internam structuram occurrit diversitas. Externam illam libro compacto eleganter assimilat *Malpighius*, quodlibet instar ex pluriinis sibi invicem superiūpositis lamellis efformetur. Nec multum dissimile hic in ossibus construendis Naturæ ad-

bibet artificium, quam quo in lapidis Bezoar Occid. & oculorum Cancri, concretionibus usा est, utpote quorū substantiam ex plurimis tabulatis sibi invicem superim positis componi, notum est omnibus Pharmacopœis, qui veros à fictitiis hac nota distinguere norunt. Ad firmorem autem harum lamellarum cohesionem in singulis his bracteis observamus parvulas quasdam inæqualitates & eminentias, ita fitas, ut parvulæ hæ eminentiæ subjacentis laminæ foraminula occupent, hujus verò protuberantiæ rursus superjacentis vacua inter parvulas illius protuberantias spatiola ingrediantur. In externâ tamen exten-
narum ossium laminarum superficie nullæ occurunt eminentiæ, sed laevigata ubique & polita eadem existit. Atque has easdem emi-
nentias putem esse, quas sub clavicularum nomine haud ita pri-
dem ingeniosissimus quidam Italus descripsit atque depinxit, qui
quatuor horum species dari asserit. Lamella enim inquit taliter con-
structa undique foraminulis perviae sunt, per qua quatuor clavicu-
lorum species intruduntur, Alii namque per lineam perpendicu-
larem laminis infixi, per obliquum nonnulli, plurimi ad angulum
retorti, nec non pariter reliqui tanquam neimini boleti capitati
conspiciuntur.

XVIII.

Dictæ autem hæ ossæ laminæ non omnes eadem gaudent longitudine sed aliæ aliis breviores existunt: Solæ quippe exter-
næ modo plures modo pauciores ab una ossis extremitate usque ad alteram excurrunt, internis sensim sensimque pro meditullii in os-
sium extremitatibus exigentia magis abbreviatis, sic ut plures in cen-
trali seu media ossis parte numerentur laminæ, quam in extremita-
tibus. Unde fit, quod ossa artuum majorum in medio seu centro
semper solida magis crassa atque firma existant, ne ab injuriis ex-
ternis tam facile afficiantur. Artificiosa enim hæc ossium ex tot
bracteis elegantissimè constructa compages, præter insignem illum
quæ in accretionis & nutritionis opere præstat usum, quam plurimum
etiam ad ipsorum ossium robur adaugendum confere videtur.

XIX.

Altera denique ossium pars seu interna illorum substantia plu-
rimum ab hac externa modo descripta, præsertim si figuram & com-
positionis modum spectes, differt. Tota enim spongiosa & cellulo-

sa est, nec quidquam roboris ossibus impetrare valet, sed huic exterræ potius famulatur, ad commodiorem medullosi olei colloca-
tionem efformata, totidem medullosæ pinguedinis receptaculis
existentibus, quot in spongiosa illà substantiâ cellulæ conspicuæ sunt,
proinde nec in omnibus ossibus, nec in omni ossis parte spongiosa
hæc pars apparet, sed in mediâ majorum ossium parte internâ hu-
jus loco insignis quedam occurrit cavitas, sicuti & in foetu ossa ad
satis notabilem magnitudinem excrescunt, antequam ullum meditul-
li vestigium observari potest. Osseæ tamen Naturæ & hæc quo-
que interna est, varias ossicularum contorsiones exhibens variæ fi-
guræ & magnitudinis cellulas efformantes, & uti nonnulli Recen-
tiorum testantur, ex triplicis generis lamellis constans, fortassis in-
genii magis, quam oculorum acie discernendis.

XX.

In internâ ossium hæc parte medulla delitescit quam ex san-
guine hîc quoque secerni testes sunt arteriæ durissimam ossium sub-
stantiam ingredientes; Nec quomodo medullosum hoc oleum à san-
guine in his ossium cellulis separetur determinare difficile erit, si
glandularum præsentiam non negemus; Quamvis enim hoc
dubium videatur, vix tamen illi in explicando secretionis opere se
expedient. Maximè hanc rem illustrat Cl: Haveri elegantissimum
inventum, qui tenuem illam ossis internam partem & medullosas
cellulas investientem membranulam glandulosæ structuræ esse asse-
rit, glandulas in illa se quoque deprehendisse affirmans. Tedium
itaque Lectori non creabo, si elegantem illum locum, quo hanc
membranam ejusque glandulas describit, ex eruditissimo illius de
ossib. lib: hîc adducam; Oleum medullare, inquit, in hac membra-
na contentum non penitus confusum jacet & indistinctum in spa-
tio à communi hac membrana circumscripto, sed divisiones adsunt,
& subdivisiones, quandoquidem in membrana immediate continen-
tur sacculi membranacei & in illis facculis vesiculae &c & paulo post;
Vesiculae hæc exiles sunt vesiculae glandulosæ ad oleum medullare à
massa sanguinea separandum & recipiendum destinatae.

XXI.

Tanta autem sedulitate cum Natura medullare hoc oleum à
reliqua sanguinis massa in durissimo hoc ossium corpore separet,

reclu-

recludat & asservet, insigni id quoque non carebit utilitate sed æquum est, ut fructu majore indefessus hic providæ Naturæ labor compensetur. Circumspicienti autem, quinam in specie huic oleo inter multiplices illos ab Auctoribus passim adscriptos usus competant, tres præ reliquis omnibus in primis notabiles occurunt: Quorum *primus* est, nimirum ossium siccitati atque rigiditati succurrere, & ossa in debito temperamento conservare, tūm ne in accretionis opere, increscente indies corporis calore, Osseæ fibræ justò citius indurescerent, & ossa intra debitum extensionis seu accretionis terminum postea subsistere cogerentur, eodem hoc oleo emolliri veluti & blandissimè foveri debebant; tūm ne ossa jam perfecta arida nimis & exsuccā redderentur, hæc medullosa pinguedo intercedere debebat quo metuenda aliâs nimirum fragilitas avertitur & præcavetur, ne ossa vitri instar ad quasvis injurias dissilirent, & rumperentur non sine magno mortalium incommodo atque periculo: *Secundus* medullæ usus est, ut unâ cum mucilaginoso illo ex ligamentorum glandulis exsudante succo articulatis ossibus subveniat, & lubricos reddat articulos, ne à perpetuo motu iidem incalescant atterantur & scabri evadant, adeoque motum, cuius causâ facti sunt, impedirent. His *tertium* alii adjungunt, qui ad ipsum præterlabentem sanguinem resultat, à quo prius secreta erat ista medulla, ut particulis illius austoris atque acidis obtundendis inserviat.

XXII.

Præter hos modo dictos medullæ usus aliis adhuc à Veteribus & Recentioribus quibusdam eidem adscribitur usus. *Hippocrates* quippe *Libr. de aliment. Medulla*, inquit, *est ossis alimentum*. Quem locum *Galenus* ita interpretatur *libr. 3. d. Facult. Natur. qualis sanguis est carnibus, talis ossibus est medulla*. Unde duplificem nutritio-
nis in ossibus materiam statuit *Joh: Riolanus*, unam remotam, alteram proximam, hanc in medulla illam in sanguine latitare asserit *Libr. 6. Encheirid. Anatom. Cap. 6.* Labem autem horum hypothesis contrahere exinde videtur, quod non in omnibus ossibus verb. grat. ossibus lachrymalibus, planis, Vomere, Dentibus &c medulla reperiatur, cum tamen eadem in omnibus ossibus nutritionis sit necessitas; Nec minus in fœtu, ubi plurimo ossa indigebant alimento, in notabilem molem eadem excrescere observamus, ante- quam

quam ullum meditullii appareat vestigium ; ubi verò nullum meditullium, ibi quoque nullam medullam esse, rationi est consentaneum, rectissimè itaque hic medullæ usus à sapientissimo Aristotele in dubium vocatur *libr. d. partib. animal.* & probabile omnino est eodem succo ossa nutrirī unde incrementū sumpserunt.

XXIII.

Quanquam haud absurdā adeò hæc, ossa scilicet medullâ nutriti, veterum videatur sententia, sed aliquatenus hoc illis concedi poterit, si Nutritionem non tam in partium substantiæ novâ appositione, quām in plenitudinis & naturalis status partium, toni & temperamenti earundem conservatione eandem consistere, cum Cl. Havero supponatur. Cui sententiæ etiam favere videtur *Celeber. Bohnius Circ. Anat. Progym. 7.* quando ita scribit : *Quod si desideratam illam magnitudinem & molem cuncta corporis membra contraxerunt, non video, quid his assimilari & apponi queat, aut quid demum magnitudinis ipsorum conservanda causâ intertexi debeat, cū nihil planè substantiæ earum solidioris decedat: Sed poris tantum hujus roridum quoddam interspergitur gluten alterius plane naturæ, quod humectando & distendendo molliter actionibus partium organicarum cunctis inservit.* Accretionem autem à Nutritionis opere in totum distinguere nolle, sed utramque haud multum absimili modo in corpore fieri arbitror, hanc in partium conservatione, illam verò in partium augmentatione consistere, quando partibus aliquid apponitur, quod in illatum substantiam postea convertitur, ut non incommodè Nutritionem imminutam accretionem dicere possis.

XXIV.

Eandem tamen accretionis & nutritionis materiam esse, eundemque humorē qui ossibus incrementum dedit, eadem continuò adhuc affluere, plura sunt quæ persuadere possunt : Evincunt hoc frequentes cartilaginum in ossa mutationes, ganglia in tendinosis partibus generationes, & idem clarum quoque faciunt, ossium fractorum mediante callo concretiones, ut de humoris illius in corpore existentia & ad ossa affluxu nullum dubium superesse possit amplius. Quod cariosa autem ossium ulcera cum ipsarum ossearum laminarum ablatione non osse rursus sed fungosâ carne repleantur,

accidit ob utriusque ossifici scilicet ossium & carnis nutritii succi commixtionem, unde non potuit non medium quasi inter carnem & ossa naturam habens produci substantia.

XXV.

Nec absolutæ necessitatis est ossa ob continuum hujus succi affluxum semper proinde accrescere, & incrementa sumere debere, quin plures existere possunt causæ, quæ impedimento sint quo minus citra dimensionis suæ metam augmententur: Præterquam enim quod singulis animalibus, & sic quoque homini suus statutus videatur terminus quem crescendo attingere superare vero minus possint; Et sicuti unius speciei individua quoad formam haud multum differunt, sic in magnitudine etiam notabilis inter illa vix contingere solet differentia, nec, si *Magnis componere parva licebit*. Molossus fidelis pecoris custos, Melitæum generabit catellum, Virginum délicias, nec fortis *Aquila columbam*. Imprimis tamen ossicularum fibrarum expansio & accedens postea ab ossifici humoris circa easdem concretione earundem rigiditas ad ulteriore dilatationem & nova incrementa admittenda postea plane inepta evadit.

XXVI.

Coronidis d'énique loco subjicio illam à tot Anatomicis vulgo ventilatam quæstionem, an ossa sentiant, nec ne? Illi qui affirmativam defendunt, Avenzoaris Arabis Medici argumentis, ab accretione ossium desumptis, utuntur, & Authoritate Nicolai Massæ, qui se vidisse testatur, hominem ulceri in crure habentem, cum detectione ossis in quo sensus erat dolorosus, rem stabiliri arbitrantur. Verum vix ossium substantiæ, ob durissimam compaginem & immutatum spirituum influxum, talis acutus sensus competere posse videtur, & si quæ in osse molesta deprehenditur sensatio, illam potius in membranis vasorum hinc inde ossium substantiam perreptantium & periostii fibrillis percipi suspicor. Atque hæc scopo meo hac vice satisfacere posse puto, qui is fuit unicus, ut tenue, qualecunque profectus ferunt, laborum studiorum que specimen Patronis.

& Promotoribus meis ex-
hiberem.

COROLLARIA,

I.

Ominem ex Ovo nasci certum est.

II.

Nec monstrorum generatio hunc ex Ovo
ationis modum infringere valet.

III.

Cartilagines & Ossa quoad structuram in-
conveniunt

IV.

Notabilis inter Ossa & Cartilagines ratio-
nitie intercedens differentia in partium com-
nitum diversitate querenda.

V.

Quando Ossa cerae instar flexilia sunt red-
ditum non minus in fluidis, quam solidis
rendum.

•S(O)S•

